



21. maj 2021

Inatsisartut suleriaasianni § 37 imm. 1 malillugu Naalackersuisunut uku apeqquteqaatigaakka:

**Naalackersuisunut apeqquteqaatit:**

**1. Coronamik nappaalanersuup kingorna takornariaqarnermut Naalackersuisut ikiorsiissutinik aallartitsiniarpat?**

**2. Naalackersuisut pilerisaarpat Visit Greenland aqqutigalugu pilerisaarnermut aningaasanik amerlanernik illikartitsissallutik?**

**3. Nunap qanittuani aalisarnermut ikiorsiissutinut killiffik sumut killippa?**

(Inatsisartunut ilaasortaq Jens-Frederik Nielsen, Demokraatit)

### **Tungavilersuut**

Demokraatit Naalackersuisut Covid-19-mut tunngatillugu aqutsinerat tassanilu inuussutissarsiortut atugaat malinnaaffigilluarpat. Soorlu tamanit ilisimaneqartoq coronap ajornartoortitsinera pissutaalluni inuussutissarsiortut sakkortuumik eqqorneqarput. Ingammik takornariaqarnermik inuussutissarsiorneq eqqorneqarsimalluni, inuuniarnermikkut toqqammaviat piioneerutivissimammat.

Qujanartumilli qaamaneq takuneqarsinnaalerpoq. Killilimmik ammaaqqittoqalerpoq tamannalu pingaaruteqarluinnartuuvoq inuussutissarsiortunut avataaniit tikeraartunik inuuniuteqartunik. Nunat saniligut qiviaraanni, akuttunngitsumik uatsinnut sanilliuttakkagut, taakku uatsinniit allaanerujussuarmik isiginnittaaseqarput. Takoriartigu Savalimmiut ulluni tallimani angerlarsimaannarnissamik piumasaqaammik atorunnaartitsisut pilerisaarutinullu aningaasarpasuarnik aningaasaliisut takornarissanik pilerisaaralutik. Pilerisaarnermut aningaasaliinermit tunngatillugu, nunani avannarlerni amerlasuuni tamanna uteqqiappoq. Uagutsinnili Naalackersuisut nipeqanngillat. Kialluunniit ilisimangilaa susoqassanersoq apeqquteqarnermilu Inuussutissarsiornermut Naalackersuisoq allamik akissuteqanngilaq, suliaq kingornussarisimallugu.

Akissut naammangilaq. Inuussutissarsiut ersarissumik nalunaarfigineqarnissaminik pisariaqartitsivoq maanalu Naalackersuisut taamaaliornissaminut periarfissinneqarput.

Akissaqanngilagut nipaarsaaralarutta inuussutissarsiortullu nalornisillugit.

Apeqquteqaatima ullut suliffiusut qulit iluanni akineqarnissaat kissaatigaara.